



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 51. Paschalis Papa accusatus.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

Sæculum IX.

A. C. 823.

Sub illud tempus, quo Corbeja fundata, Ebbo Archiepiscopus Rhemensis, consentiente Imperatore, Romam profectus est, petiturus licentiam prædicandi Fidem populis Septentrionalibus, præsertim Danis; hos enim in Aula sæpe viderat, eorumque cœcitas Episcopi zelum excitaverat. Concessit Paschalis Papa, quod postulabat, & pii laboris Socium Halitgarum Episcopum Cameraensem dedit. Itaque Ebbo sæpius in Daniam profectus, magnum convertit, baptizavitque Infidelium numerum; cui Prædicationi favens Imperator Ebboni donavit prædium, quod tunc Velanao, hodie *Wedel* dicitur, ultra Albim positum, ut in illarum Regionum vicinia receptaculum haberet.

§. L.

*Paschalis Papa accusatus.*Eginh. an.
823.

Inter hæc Ludovicus Imperator Lotharium filium primogenitum ad jus dicendum in Italiam miserat, cumque jam ad Patrem redire cogitaret, rogatus a Papa Romam petiit, ubi eum Pontifex in ipsa Paschali celebritate die quinta Aprilis anno octingentesimo vigesimo tertio Imperatorem coronavit. Lothario deinde in Franciam reverso ad Imperatorem Ludovicum defertur, Theodorum Ecclesiæ Romanæ Primicerium, & Leonem

nem Nomenclatorem ipsius generum in Sæculum IX.
A. C. 823.
 Palatio Patriarchali Lateranensi primum
 oculis orbatos & postea decollatos fuisse, (*) quod Lothario juveni Imperatori fideles permansissent. Non nulli vero Paschalem Papam accusabant, quod ipso Auctore, vel saltem consilium suggerente, patrata esset cædes. Ludovicus ut hanc causam accurate cognosceret, Adalungum Abbatem Monasterii S. Vedasti, & Humfridum Comitem Curientem Romam mittere parabat; his autem profectionem necdum exorsis, adfuerunt Paschalis Papæ Legati, Joannes Episcopus Silvæ candidæ, & Benedictus Archidiaconus Romanus, rogantes Imperatorem, ne fidem haberet dicentibus, Pontificem hujus cædis conscium fuisse, & curaret, ne Paschalis Papæ fama hac calumnia amplius læderetur. Nihilominus misit Legatos suos Imperator, quibus, cum Romam pervenissent, non patuit ad cognitionem facti via; nam Paschalis Papa coram Legatis & populo Romano in Basilica Lateranensi præsentibus Episcopis triginta quatuor, item Presbyteris

Theg. c. 30.

(*) Non est obstupescendi locus, si Romæ ingentia facinora fuerint attentata. Nam Pontificum Principatus sæcularis adhucdum vacillabat, & longa erat via Roma Aquisgranum, unde expectanda fuit Judicis sententia.

Sæculum IX.
A. C. 824.

Astron. an.
223.

Eginh. an.
824. *Anast.*
in Pasch.
v. Papebr.
Conat.

teris & Diaconis ab interemptorum ne-
ce Sacramento se purgavit. Interfecto-
res exhibere noluit, quod ad familiam
S. Petri pertinerent, affirmavitque, Theo-
dorum & Leonem suo merito & ex æ-
quo læsæ Majestatis reos fuisse jugula-
tos. Ut de his Imperator plenius edo-
ceretur, Papa in Franciam remisit eun-
dem Joannem Episcopum, Sergium Bi-
bliothecarium, Quirinum Subdiaconum,
& Leonem Militiæ Magistrum, qui cum
Imperatoris Legatis ad Regiam remea-
runt. Ubi eos audivit Ludovicus, non
credidit, ulterius in hujus cædis aucto-
res esse inquirendum, utcunque cupiisset,
sed indolem suam & mitissimum, quod
a Natura acceperat, ingenium secutus
acquievit.

§. LII.

Paschalis Papæ obitus. Eugenius II.

Paschalis Papæ Legati Romam rever-
sè graviter ægotantem habuerunt;
nam paucis post diebus migravit ad Cœ-
lum, nempe undecima Maji, anno octin-
gentesimo vigesimo quarto, postquam
sedisset annis septem, tribus mensibus &
diebus septendecim. Duas celebravit
Ordinationes, unam mense Decembri &
alteram mense Martio. Multas Eccle-
sias Romæ & in aliis locis reparavit &
ornavit. Hospitium Anglorum casu for-

tuito